

Difficultates.

Obj. 1^o: **Cru**x dolorem et ignominiam attulit Christo ejusque discipulis; non est igitur colenda. 2^o Quid si Crucis deferendus cultus censetur ob illius cum corpore Christi contactum, Jordanis igitur aquæ, Palæstinæ terræ, asello cui insedit Christus, quin et servi Christum percutientis manui, ac Jude labiis cultus erit tribuendus; quæ absurdissima sunt. 3^o Saltem nulla ratio est, cur crucis imaginem speciali ratione venerari debeamus, quia refert dominicam Crucem; alioquin et omnia præsepiæ, columnæ omnes, spinæ, flagella pariter colenda essent. 4^o Demum negari nequit, magicæ artis esse, characteribus ac signis divinam trubuerem virtutem, ut Catholici faciunt, qui vim fugandi dæmones, morbosque dispellendi ac cætera ejusmodi ipsi tribuunt Crucis signo. Ergo.

Resp. ad primum: Distinguo consequens: Si ratio haberetur ignominiae aut doloris, quem Crux Domino attulit, concedo; si habeatur ratio illius gloriae, quæ ex ignominia et dolore parta est Christo, atque emolumenterum, quæ nobis provenerunt, nego. Ad hanc verò gloriam et ad hæc emolumenta Catholici oculos et animum intendunt, dum eruci honorem et cultum deferunt.

Ad secundum, nego cons. et paritatem. Non solum enim ob corporis Christi contactum vera Christi crux cultum seu veneracionem meretur singularem, verum etiam, quia selecta à Christo fuit tanquam instrumentum, quo salutis nostræ hostes devicit *palam triumphans eos in se metispo*, ut loquitur Apostolus Coloss. 2, 14, et in quo affixum fuit et deletum chirographum decreti, quod erat contrarium nobis. Eadem verò ratio non est Palæstinæ terræ, etc., neque tantæ sunt virtutis, ut ponere valeant ob oculos nostros Christi passionem, nec proinde possemus istorum cultu animi nostri grati sensus erga Christum significare.

TRACTATUS DE GRATIA.

Proœmium

In eum præcipue finem Unigenitus Dei Filius nostram sibi sumpsit naturam, tum ut homines a labe et poena eriperet, quam ipsi et primi parentis culpa contraxerant et privata sua nequitia sibi quisque conciserat, tum etiam ut illos ad Dei consortium revocaret atque ad æternam felicitatem eve-

ret. Deus enim proposuit, ut loquitur Apostolus, in dispensatione plenitudinis temporum *instaurare omnia in Christo, quæ in cælis et quæ in terra sunt in ipso* (Ephes. I, 9, 10). Hæc porro *instauratio* in impii justificatione potissimum consistit, et in adjumentis sive subsidiis, quibus homines adjuvantur ad eam sibi

comparandam, atque in eadem jam adepta perseverandum, fructusque vitæ æternae dignos elicendos, donec ad Dei perveniant adspectum. Hæc autem sunt, de quibus in præsentia agere instituimus, de

gratia nempe, ut vocant, actuali, item de gratia sanctificante sive de justificatione, tum denique de merito; ex quibus profluit totius tractatus in tres partes distributio.

PARS PRIMA.

DE GRATIA ACTUALI.

Si magna illa *instauratio*, quam Christus perfecit per sacrificium mortis suæ, in eo potissime consistit, quod hominem lapsum reparat, atque in pristinum, ex quo exciderat, statum revocat, patet talem ac tantam inter statum hominis innocentis et lapsi, ac deum per Christum reparati, intercedere necessitudinem ac dependentiam, ut alter ab altero divelli omnino non possit. Ex recta siquidem aut prava notione primævæ conditionis primorum parentum, aut orthodoxa aut heretica doctrina dimanat circa gratiam atque, ut deinceps videmus, circa justificationem et meritum bonorum operum. Ex hoc enim primo veluti annulo, tota contextur series aut veritatum, quæ doctrinam catholicam constituant, aut errorum sibi mutuo adversantium, quos pro diversa indole heretici professi sunt, ad illam quomodo labefactandam.

Ut igitur contrarius pateat aut veritatum aut errorum nexus, atque uno veluti intuitu dignoscatur primæ hujus tractatus partis prospectus, juverit hic subjicere diversa hereticorum systemata, eaque conferre cum doctrina Ecclesie Catholicæ. Inde enim eruemus errorum seriem ex suo veluti principio, atque unitatem catholicæ doctrinæ ex suo pariter fonte profluentem. Magnam hinc preterea lucem mutuabimur ad intimis dignoscendam diversæ doctrinæ indolem, quam sive propugnare sive convellere nobis proposuimus.

Primo itaque Pelagiani, insistantes primum parentem ad statum supernaturale per gratiæ collationem fuisse evectum, ac dono integratissimæ a Deo cumulatum, confecerunt, nullam dari primigeniam labem, quæ in posteros transmitteretur; nullum vulnus, nullam infirmitatem ex ea homines contrahere; homines sibi sufficere, neque eis opus esse alio subsidio seu gratia Salvatoris, sive ad mandata servanda, sive ad acquirendum qualecumque utrum sublimem perfectionis gradum, ipsamque *inaccessum* sive *imperturbabilitatem* assequendam. Ad hæc enim sibi comparanda, in horum systemate, habent homines dona Creatoris quibus instructi sunt; hinc omnem gratiæ interioris necessitatem rejecerunt.

Secundo. Sociniani cum Pelagianis plane conveniunt. Rationaliste eadem sectantes vestigia, in eisdem errores lapsi sunt. In istorum enim systemate, homo paradisiacus non fuit nisi typus primitus idealis perfectionis ad quem in se referendum ejus posteri provocantur, cui additus est aliis typus longe prestantior in Christo Jesu. Homo quippe ex

Quinto. Baius, et ex eo Jansenius ac Quesnellus, Novatorum systema adoptantes quoad primam protoparentum conditionem, dum autumarunt justitiam originalē cum donis ac privilegiis conjunctis debitam eis fuisse ex ipsa creatione, in eisdem scopulos impegerunt, tum circa amissionem libertatis et opera

(1) Cfr. quæ de hoc arguento scripsimus tom. II, *De Deo Creat.* n. 490 et seqq. cum notis appositis.

(2) Cfr. ibid. n. 483 et seqq. et in not.

infidelium et peccatorum, tum circa gratiae naturam et efficaciam, tum denique circa prædestinationem absolutam. Quocirca, si verba mutaveris, immo quandoque nec ipsa verba, recte vocaveris sistema Jan-senistarum systema Protestantium nova methodo propositum.

Porro Ecclesia Catholica ex opposito principio de integritate primi hominis, deque ejus elevatione ad ordinem seu statum supernaturalem tanquam dono naturæ superaddito, accidentaliter ac plene gratuito, a quo ille per peccatum excidit, et cum eo universa ejus propagatio, oppositas recensitis erroribus et contradictorias consecutiones deduxit. Ac 1° quidem docet, tum integritate, tum elevatione ad statum supernaturalem hominem per peccatum destitutum esse, seu ipsum penitus amisisse justitiam originalem cum donis ipsi justitiae conjunctis. 2° In ordine ad statum supernaturalem et gratiam sanctificantem docet, hominem lapsum secundum animam mortuum esse; in ordine autem ad integratatem, ipsam secundum animam et corpus in deterius mutantum fuisse. 3° Relate pariter ad hanc integratatem, liberum hominis arbitrium per peccatum viribus fuisse attenuatum et inclinatum. 4° Cum vero haec omnia relativa sint ad privilegia et dona gratuita naturæ superaddita eique accidentalia, patet ex Ecclesia Catholica doctrina, hominem lapsum, his privilegiis et donis gratuitis expoliatum, in eum statum incidisse, in quo, dempta culpa, fuisset conditus, si Deus noluisse eum ad ordinem supernaturalem elevare ac integratam certisque donis cumulare; illi propterea imbecillitati obnoxium, quam per se postulat naturæ humanæ conditio. 5° Hinc Ecclesia docet, nulla ratione posse hominem quidquam sua virtute aut desiderare, aut velle, aut operari in ordine ad statum supernaturalem; sed ad eum recuperandum omnino necessariam ei esse gratiam Salvatoris. 6° Quod consequens est, hanc gratiam esse prorsus gratuitam, atque ex mera Dei largitate propter Christi merita homini concedi. 7° Cum tamen homo lapsus, ut diximus, liberum arbitrium, quale natura humana in se spectata exposcit, conservaverit, nec illud fuerit debilitatum, nisi relate ad eum statum integratatis, ex quo exedit, hinc docet Ecclesia, hominem posse libere cooperari assentiendo Deo excitanti atque vocanti per gratiam, atque etiam dissentire, si velit (1): respuit proinde doctrinam de gratia necessitatem inferente. 8° Ex eodem principio profluit ejusdem Ecclesiæ doctrina, juxta quam homo lapsus per liberum arbitrium, quo non fuit destinatus, potest aliquod morale bonum velle et efficere, ac opera moraliter honesta, seu sine gratia peracta, non esse totidem peccata (2). 9° Docet tamen, in arduis præceptis, et cum

(1) Huc referuntur can. iv et v sess. vi Concil. Trid. ac propositiones in Bajo et Quesnello proscriptæ, quas inferius dabimus. Cfr. interea in tract. cit. n. 483 et seqq.

(2) Ex can. vii, sess. cit. Cone. Trid. et propositi in Bajo et Quesnello, quas suo loco adducimus.

gravibus urgetur tentationibus, hominem lapsum gratia medicinali indigere, sive ad illa adimplenda, sive ad has superandas, prout auxilio aliquo, licet naturalis ordinis, pariter indiguisset, si Deus homini a se condito neque adiecisset donum integratatis, neque eum elevasset ad ordinem supernaturalem (1). 10° Demum, cum Christus universum humanum genus instauraverit seu reparaverit, Deus vero, etiam supposita originali noxa, omnes homines salvos fieri voluerit, fideles præsternit ac justificatos, docet Ecclesia, Deum pro opportunitate auxilia necessaria omnibus conferre, præsternit fidelibus ac justis, ad ea præstanda, quæ propriis viribus præstare non possent (2).

Et hæc satis in præsentia sint quoad utriusque systematis heretici ac doctrinæ catholice expositionem; cetera enim, quæ ex oppositis utriusque adversæ doctrine principiis consequuntur, sive sint errores sive veritates, pergemus explanare, ubi erit locus, cum scilicet de justificatione ac merito agemus, deinde etiam cum de Sacramentis.

Interea ex duplice conspectu, quem breviter ac summatum exposuimus, tum errorum, in quos heretici prolapsi sunt, tum veritatum catholicarum, quæ tenet Ecclesia, cum cujusque origine, nexus ac dependentia, patet, quodnam munus nostrum sit in prima hac tractatus parte (3). Agendum scilicet erit de gratia necessitate, de ejusdem, ut vocant, gratuitate, natura ac distributione. In totidem propterea capita hanc tractatus partem dispertiemur, exposita prius ejusdem actualis gratiae multiplici acceptance ac divisione, ut methodo ac perspicuitati consulamus.

CAPUT I

PRÆLIMINARE

DE GRATIA ACTUALIS NOTIONE ET DIVISIONE.

1° Gratia generatim sumpta quodvis donum aut beneficium significat, sive externum sive internum, ex mera liberalitate a Deo rationali creaturæ tributum. Quo sensu creatio, conservatio, aliaque his annexa, multo magis lex, doctrina, exempla atque alia his similia gratiae nomine donari possunt. Id ipsum dicatur donis illis, quæ vulgo gratia gratis datae nuncupari solent, cujusmodi ex. gr. sunt potestas miracula edendi, vaticinia, etc., qua in aliorum potius quam in illius, qui ea recipit, utilitatem cedunt.

2° Prout vero hic accipitur, gratia nomine intelligimus gratuitum illud internum auxilium, quod Deus per Christi merita homini lapso largitur, tum ut ejus infirmitati consulat, atque ita ipse valeat mala declinare ac bona præstare, tum ut eum erigit ad statum supernaturalem, atque idoneum faciat ad

(1) Cfr. tract. cit. n. 338 et seqq.

(2) Cfr. quæ scripsimus tom. ii, Tract. De Deo ejusque attributis, n. 459 et seqq.

(3) Hæc autem, quæ vix hic adumbravimus, latius explanabimus in hujus primæ partis decursu, cum nempe veritates catholicas constitutus aduersus contrariam doctrinam singulorum adversiorum.

actus supernaturales eliciendos, ut justificationem possit adipisci, in eaque jam adepta perseverare, donec perveniat ad vitam æternam.

Ex hac porro gratiae notione non modo patet, agi hic de dono gratuito ac interno naturæ superaddito, cuius causa efficiens Deus sit, meritaria Christus, finalis vita æterna; verum etiam de dono illo agi, cuius duplex est effectus, tum scilicet subveniendi naturæ infirmitati per peccatum contractæ, tum hominem lapsum restituendi in statum supernaturalem, ex quo homo ipse per Adæ culpam exciderat, ut sic idoneus efficiatur ad actus supernaturales eliciendos, qui impetratori quidem esse possunt justificationis, non autem meritiori ipsius justificationis aut vitæ æternæ. Hos enim, ut postea videbimus, non potest homo, nisi insuper gratia sanctificante sit instructus, elicere. Quatenus gratia hominem lapsum sanat ab infirmitate, quam per amissionem doni integratatis contraxit, eique præbet vires ad bene agendum, ad superandas tentationes atque ad malum declinandum, gratia medicinalis, nuncupatur; quatenus autem hominem elevat ad statum supernaturalem, gratia elevationis vocari consuevit.

Quamvis passim utrumque officium simul gratia præstet, attamen duo haec simul permisceri non debent, cum ex tali permixtione nec pauca nec levia incommoda oriatur. Fieri enim potest, ut gratia conferatur tantum ad robur addendum, ut homo ea prædictus ardua perficere aut mala valeat declinare, uti in infidelibus contingit, etsi propterea ipsorum opera non possint dici supernaturalia; tum etiam fieri potest, ut detur gratia solum ad ponenda opera supernaturalia, aut etiam meritaria, etsi vires non addantur, cum nempe agitur de re facilis, ad quam vires naturales pertingere possunt. Hinc est quod distinguere solent Theologi inter substantiam operis ac ejusdem, ut vocant, supernaturalitatem. Ad substantiam operis sufficiat gratia supernaturalis entitativa, ut schola loquuntur; ad ejus supernaturalitatem requiritur præterea objectum formale seu motivum supernaturale. Quando vero duo haec simul concurrunt, exurgit gratia illa, quæ proprie ac stricte sumpta supernaturalis est, et ita nuncupatur tum ratione sui tum ratione modi. Ceterum prius, quod recensuimus, gratiae officium potissimum afficit voluntatem; posteriorius afficit potissimum intellectum.

Hæc enucleatis circa gratia notionem exponere voluimus ad omnia adversariorum diverticula præcavenda. Si quis porro cuperet accommodatiorem gratiae actualis definitionem, eam diuinum donum Dei internum ac supernaturale creaturæ rationali per Christi merita concessum in ordine ad vitam æternam.

3° Gratia sic exposita multisfariam dividitur juxta varias ejus operationes aut etiam exitum. Nos potiores ac celebriores divisiones ad finem, quem intendimus, subjiciemus.

Prima partitio est in gratiam prævenientem sive excitantem, quæ et operans interdum dicitur, et in gratiam cooperantem sive concomitantem. In hanc di-

visionem concedunt veteres ac recentiores; ast non eadem fortasse veteribus ac recentioribus his nominibus significatio subest. Etenim S. Augustino gratia præveniens nihil aliud est, nisi gratia, quæ nullum antecedens meritum supponit, sed omne meritum prævenit (1); a recentioribus autem gratia prævenientis nomine intelliguntur motus illi indeliberati, qui ad bonum allicit, ac in nobis a Deo excitantur sine nobis, quatenus a nostra non pendent voluntate. Quod sedulo notandum est, tum ad S. Doctoris intelligentiam, tum ad præcavendam confusionem (2). Gratia cooperans est concursus supernaturalis ad illud bonum volendum et eliciendum, ad quod per gratiam prævenientem excitatur humana voluntas, quia Deus gratia sua simul cum humana libera voluntate ad bonum faciendum cooperatur. Hoc inter utramque gratiam interredit disserimen, quod gratia præveniens immediate in intellectum, mediate autem agat involuntatem; gratia vero cooperans afficiat directe ac immediate voluntatem. Si motus, quos excitat gratia præveniens, sunt ordinis supernaturalis, tunc actio, quæ elicitor per gratiam cooperantem, erit supernaturalis; secus consistent in

(1) Nullus fortasse locus adduci potest ex S. Augustino, in quo ipse vocem prævenire, aut gratia, quæ nos Deus prævenit, aut gratia prævenientis non usurpaverit eo sensu, quem diximus. Satis hic sit decretorium ipsius testimonium afferre ex Epist. ccxxvii ad Vital. n. 28, edit. Maur. (quod in posterum semper subintelligendum est), ut pateat, quenam sit ejus mens, dum vocem prævenire adhibet; sic igitur loquitur S. Doctor: *Hac et alia testimonia divina... ostendunt, Deum gratia sua auctoritate infidelibus cor lapideum, et prævenire in hominibus bonarum merita voluntatum; ita ut voluntas per antecedentem gratiam præparetur, non ut gratia merito voluntatis antecedente donetur.* Vid. etiam Enchir. cap. 52; *De Natur. et Grat. cap. 31;* *Contra duas epist. Pelag. lib. ii, cap. 9, n. 21.* Item. ibid. cap. 8, n. 17; cap. 6, n. 11; lib. iv, cap. 6, n. 15; *De gestis Pelag.* cap. 14, n. 34; *Epist. ccxiv ad Valent.* n. 4; *De prædest.* cap. 3, n. 7, etc. Ac eodem sensu eamdem vocem adhibet S. Prosper, *Epist. ccxxv*, inter Augustinianas, n. 3, 4, 5, 6. Præterea, quod animadverendum est, ipsum Concilium Tridentinum, sess. vi, can. iii, ad Sancti Augustini mentem hanc vocem adhibuit et eadem significacione; quod pariter præstitit, ibid. caput 5, ubi exposuit, quo sensu declaraverit a Dei per Christum Iesum præveniente gratia exordium sumendum esse justificationis, dicens: *Hoc est ab ejus vocatione, qua nullis eorum existentibus meritis vocantur.*

(2) Nam quatenus gratia significat illustrationem, non potest nisi immediate afficer intellectum, qui solus capax est illustrationis; ac mediate afficit voluntatem, quatenus haec motivis ab intellectu cognitis movetur ad aliquid optandum ac volendum. Sic etiam concupiscentia, per motus suos indeliberatos, nonnihi mediate et indirecte agit in voluntatem ipsam. Idque poscit natura ipsa creaturæ rationalis, que, nonnihi mediante intellectu, moveri potest ad aliquid volendum vel rejiciendum. Cum propterea affirmatur, gratiam prævenientem operari immediate in ipsam voluntatem, id intelligi debet, quatenus, ex dictis, in sensu veterum, gratia præveniens ultram quia gratiam complectitur illustrationis et inspirationis, seu, ut recentiores loquuntur, gratiam prævenientem et cooperantem. Cfr. Zorzi, *Prodromo della nuova encyclopedie italiana*, Siena, 1779, Appendix Grazia effice, n. 5 et seqq.

ordine naturalis honestatis, ut in infidelibus contingere solet. Utrique autem gratiae simul sumptae, prout supernaturalis est, convenit illa definitio S. Augustini, nempe gratia est *inspiratio dilectionis, ut cognita sancto amore faciamus* (1), seu, ut alibi idem loquitur, quæ datur, non solum ut facienda noverimus, verum etiam ut cognita faciamus; nec solum ut diligenda credamus, verum etiam ut credita diligamus (2).

Partitio altera est in gratiam sufficientem et efficacem. *Sufficiens* gratia ea dicitur, que caret effectu, seu cui voluntas non assentitur; *efficax*, contra ea est, que obtinet effectum, ad quem datur, seu cui consentit voluntas. Utrum vero hic assensus vel dissensus voluntatis repeti debeat ex diversa gratiae sufficientis et efficacis natura, an a sola libera hominis voluntate, non consentiunt doctores in scholis catholicis, ut suo loco expomemus,

Gratia sufficiens subdividitur in proxime ac remote sufficientem. *Proxime sufficiens* vocatur ea, que præbet immediate vires necessarias ad agendum; *remote autem sufficiens* ea dicitur, que non nisi mediate, ex gr. per orationem, ejusmodi vires suppeditat.

Cum interdum in hac ipsa prima tractatus parte necessario mentionem facere debeamus de gratia *sufficiente seu habituali*, ne penitus ignoretur, quid sub hoc nomine veniat, ipsis subjicimus notionem ad dicendorum intelligentiam. Gratia itaque *sanctificans* seu, aiunt, *habitualis* ea est, qua homo immediate conjungitur Deo, sit justus ac vita aeternæ hæres, estque in homine permanens, et per modum habitus ei dem inherenter concipitur. Qui ea ornatus est, dicitur, esse in statu gratiae. Verum de hac postea.

His, quatenus opus erat, circa variam gratia acceptiōem et divisionem expositis, iter, quod nobis constituimus, jam aggredimur.

CAPUT II.

DE GRATIA NECESSITATE.

Quadruplici ratione gratia actualis dici ac esse potest necessaria: vel scilicet ad opus ordinis naturalis, vel ad opus ordinis supernaturalis, vel ad opus meritorium, vel denique ad perseverandum in bono usque ad vitam exitum. Varii porro nobis occurruunt adversarii pro diversis hujus necessitatibus respectibus, quos recensulimus. Pelagiani sub quovis respectu divini hujus auxilii necessitatem rejiciunt. Semipelagiani hanc necessitatem aggrediuntur tum quod initium fidei tum quod perseverantiam. Novatores ac Jansenistæ ex adversis urgent hanc ipsam necessitatem, dum contendunt, sine gratia actuali nullum opus moraliter bonum

(1) Lib. iv, ad Bonif. seu *Contra duas epist. Pelag.* cap. 5, n. 41.

(2) *De Grat. Christi*, lib. I, cap. 12, n. 13. Hæc est gratia idea, quam constanter prædicat S. Augustinus, qui, *De Peccat. meritis*, lib. II, cap. 17, n. 26, munus gratiae demonstrat in eo esse, ut *innotescat*, quod latebat, et suave fiat, quod non delectabat; et ibid. cap. 19, n. 52, vocat gratiam certam scientiam et victricem delectationem, lucem, qua illuminantur tenebrae, et suavitatem, qua dat fructum suum terra nostra.

agere hominem posse, vel etiam non posse sine fide, imo neque præstare posse bonum opus quaecumque sine justificatione aut gratia sanctificante. Cum igitur ex contrario principio profluxerint ejusmodi errores, et alii per defectum, ut aiunt, alii vero per excessum æque impetant gratia necessitatem, ut perspicuitati consulamus, in quatuor distinctos articulos hoc totum argumentum partiemur; in quorum duobus prioribus adversus eos, qui per defectum, in duobus posterioribus adversus eos, qui per excessum pugnant circa gratiae necessitatem, agemus. Sic enim, omnem evitantes confusionem, universam, qua late patet, doctrinam complectimur catholicam sub uno eodemque capite; ex quo deprehendemus, quid homo possit aut non possit propriis viribus tum in ordine supernaturali tum in ordine naturali, ac deum quousque sese extendat gratia necessitas ad opera sive supernaturalia sive moralia elicienda.

ARTICULUS I. — *De erroribus Pelagianorum circa gratiae necessitatem.*

Cum primus hominum parens in systemate Pelagianorum, ut innuimus, neque supra natura sue conditionem a Deo evictus fuerit per gratiae sanctificantis collationem, neque auctus dono integratilis, hinc Adam per peccatum nec excidit a tali statu, nec ullam infirmitatem contraxit; id est, neque expoliatus fuit supernaturalibus, neque fuit vulneratus in naturalibus. Quapropter ejus filii sine peccato nascuntur, ac in eodem statu nascuntur, in quo primus homo a Deo conditus fuit, cum nativa illa imbecillitate, que propria naturæ humanae est, obnoxii ignorantiae, concupiscentia colluctationi ac deum morti. In hac hypothesi facile erat inferre, neque Adam post peccatum neque ejus posteros qualicumque indiguisse auxilio supernaturali, quo ad statum supernaturalis restituuerentur, neque adjuvatorio, quo aut eorum intellectus illustraretur aut voluntas validior redderetur ac idonea ad bonum quodvis peragendum aut ad superandos tentacionum impetus. Quod si a Deo ejusmodi conceduntur subsidia, ea quidem faciliorem efficient hominis laborem tum ad veritatis inquisitionem tum ad bonum præstandum; verum tamen ejusmodi præsidia aut forent externa, aut si interna, absolute ac per se minime essent necessaria.

Tale est Pelagianorum sistema, quod totam revertit gratiae necessitatem. Illud tamen Pelagius aperte minime professus est; sed verbis est usus ad fallendum compositis, utpote qui et Catholicus videri et hereticus esse vellet. Etenim 1º gratiam fassus est; sed gratiae nomine dona naturalia Creatoris significabat; 2º gratiam aliam addidit præter naturam, nempe legem ac revelationem, 3º exempla Christi ac peccatorum remissionem; 4º his juxta aliquos adjecit aliquam interiorem illustrationem, qua indirecte saltem excitaretur hominis voluntas ad *facilius* operandum. Quo referuntur S. Augustini verba, lib. *De gratia Christi*, ubi, postquam commemorasset Pelagii di-

ctum: *Ut, quod per liberum homines facere jubentur arbitrium, facilius possint implore per gratiam, subdit: Tolle facilius, et non solum plenus, verum etiam sanus est sensus* (1). Hic stetit Pelagius cum suis celebrioribus discipulis Cœlestio et Juliano. Siquidem nunquam admisit necessitatem gratiae, qua immediate excitaretur atque adjuvaretur voluntas ad actus supernaturales eliciendos, tum nempe quoad ipsius actus substantiam, ut aiunt, tum quoad modum; nunquam scilicet admisit gratiam voluntatis seu, ut aiunt, inspirationis. Quod vero spectat ad gratiam prævenientem, eo sensu nempe, quo eam recentiores Theologi exponunt, de motionibus indeliberalis, quibus per illustrationem excitamur ad bene agendum, eatenus eam admittere visus est, quatenus facilius nobis per ipsam redditur actuum salutarium ac mandatorum executio, minime vero quatenus ad actus singulos eliciendos sit absolute necessaria. Dixi eo sensu, quo gratiam prævenientem exponunt recentiores Theologi; siquidem, prout hanc vocem veteres accipiebant de gratia interioris illustrationis et inspirationis seu operante et cooperante, quæ omne meritum nostrum præveniret, eam, ut videbimus cap. seq., nunquam admiserunt Pelagiani.

Ex his colligimus, 1º controversiam, que inter Pelagianos et S. Augustinum viguit circa gratiae necessitatem, in postrema periodo tandem deducitam esse ad necessitatem gratiae, que immediate afficeret voluntatem eam præveniendo ac adjuvando; non autem, ut perperam contendit Jansenius, ad gratiam, quæ necessitatem inferret voluntati, quam a Pelagio admitti voluisse S. Augustinus (2). Colligimus 2º hanc gratiae necessitatem, quatenus complectitur et prævenientem et cooperantem, ad actus singulos salutares absolutam esse, ut adstruebat S. Augustinus, partes Ecclesiae Catholicæ sustinens, secus ac volebat Pelagius ejusque discipuli (3). Ambæ propterea

(1) Cap. 29, n. 50. Nonnulli ex his Augustini verbis conjicunt, Pelagium tandem aliquando admisisse veram gratiam interiori illustrationis et inspiratio- nis; ast perperam, ut patet ex iis, que scribit S. Doctor, ibid. cap. 26, n. 27: *Istam Dei gratiam in di- vinis eloquii manifestam etiam Pelagius manifeste fateatur, sequi tamdiu contra sensisse non operat impudentissimo pudore, sed dolore saluberrimo aperiat... Cognitionem et dilectionem, sicut sunt discernenda, dis- cernat.*

(2) Lib. v, *De hæresi Pelagiana*, cap. 11, pag. 110, edit. Rothomag. 1652, et sic in posterum, hac enim editione utor. Ibi igitur Jansenius totus in eo est, ut adstruat, quartum statum controversiae pelagiane in eo stetisse, ut Pelagius contendet, gratiam nullam inesse necessitatem libero arbitrio, ita ut voluntas ei semper possit resistere aut obtemperare, contra vero S. Augustinus iuxta catholicæ Ecclesie fidem exigeret præterea, ut talem gratiam admiseret, quæ cogere voluntatem ineluctabiliter necessitate ad agendum.

(3) Circa historiam pelagianæ hæreses cfr. Petavius, *De Pelagianorum et Semipelagianorum hæresi*, lib. un. Card. Noris, *Histor. Pelagianæ*, lib. primo, Opp. edit. Veron. 1729, tom. I; Joan. Garnerius S. J. *Dissert. in historiam Pelagianam*, que extant in appendice Augustiniano Joan. Clerici, pag. 40 et seqq. nec non Marii Mercatoris opera studio Joan. Garnerii,

hæc veritates catholice sequentibus propositionibus propugnandæ sunt ac vindicandæ adversus expositos Pelagianorum errores. Sit igitur

PROPOSITIO I. — *Ad omnes et singulos actus sa- lutares necessaria est interior Spiritus Sancti gratia illustrationis et inspirationis.*

Hæc propositio est de fide; duobus siquidem his canonibus eam confirmavit Concilium Trident. sess. VI, can. II: *Si quis dixerit, ad hoc solum divinam gratiam per Christum Jesum dari, ut facilius homo juste vivere ac vitam aeternam promererit possit, quasi per liberum arbitrium sine gratia utrumque, sed ergo tamen ei difficiliter possit, anathema sit.* Et can. III: *Si quis dixerit, sine præveniente Spiritus Sancti inspiratione atque ejus adjuvatorio, hominem credere, sperare, diligere, aut paenitere posse, sicut oportet... anathema sit.* Praeverant Concilio Tridentino in hac ipsa doctrina catholica adstruenda plura Concilia in causa Pelagianorum celebrata, ut Diopolitanum anno 415, in quo fuit proscriptus septimus Pelagi articulus his verbis conceptus: *Gratiam Dei atque adjuvatorium non ad singulos actus dari, sed in liberò arbitrio esse, vel in lege ac doctrina* (1); Milevitatum II, seu potius Carthag. III, anno 416, in cuius cap. IV statuitur: *Quisquis dixerit, gratiam Dei per J. C. D. N. propter hoc tantum nos adjuvare ad non peccandum, quia per ipsam nobis revelatur et aperitur intelligentia mandatorum, ut sciamus quid appetere, quid vitare debeamus; non autem per illam nobis præstari, ut, quod faciendum cognoverimus, etiam facere diligamus atque valeamus, anathema sit... Utrumque donum Dei est, et scire quid facere debeamus, et diligere ut faciamus* (2); pariter Arausicanum II anno 529, can. VII: *Si quis per natura vigorem, inquit, bonum aliquid, quod ad salutem pertinet vita aeternæ, cogitare, ut expediri, aut eligere, sive salutari, id est, evangelicæ prædicta-*

Paris, 1673, præsertim appendix posterior ad primam partem operum Marii Mercatoris, complectens dissertationes septem, in quibus integra continetur historia pelagiana, pag. 125 et seqq. Tanti porro fecit Card. Norisius lucubrationse Joan. Garnerii, eti in omnibus ei non assentitur, ut scripserit ad Magliabecum: *Hoc tamen te monitum velim, ne feliciori alii in scriptis Garnerii eruditissimam quidpiam per me detracit pules; illum enim tanti facio, ut si ejusdem de rebus pelagianæ commentaria historiam, quam de ea- dem hæresi hoc anno patavinis typis excusam emisi, prævenissent, mea statim scripti (quod sincere affirmo ac sancte juro) in angulum omnino projecisset (tom. III, opp. col. 1176).* Cfr. prieterea Nat. Alexander, *Hist. eccl. sec. V*, cap. 3, *De hæresibus*, quibus infesta Ecclesia est seculo. v. art. 2 et 3, necnon due egregiae P. Livini Meyer dissertationes, quarum altera perstat ad calcem vol. I. *Hist. de auxiliis* edit. Antwerp. 1705, pag. 734, sub hoc titulo: *Disserti. de genuinis Pelagi et Massiliensium erroribus*; altera ad calcem vol. 2. *Hist. de auxiliis vindicatæ*. Bruxel. 1715, Diss. IV, cui titulum prefixit: *De Pelagiano- rum et Massiliensium contra fidem erroribus*.

(1) Cfr. *Acta Concil. Hard. tom. I*, col. 2011. De vafritate Pelagi ad Synodus Diopolitanam decipientem cfr. modo citati auctores.

(2) Ibid. col. 1218.